

Wien, Österreichische Nationalbibliothek (ÖNB), Cod. 4590

1239

C O D I C E S

1240

et Sec. XV. frequentius typis prodavit, quorum initium fol. 171. p. 2. quaerendum est, et ita habet: *Apud hebreos Nisan dicitur Aprilis &c. Abrumpuntur fol. 170. p. 2.* in his verbis: *ouant et ouans non est plus in usu.* Puta: non reperitur in Scriptoribus latinis, qui ad nos pervenerunt, ex quo capite Grammatici quidam recentiores pluribus *Verbis defectivis* torserunt Pueros, quasi vero tota lingua Romana ad verbum in superstibus illis Scriptoribus contineretur.

IV. fol. 170. p. 2. Aliud Fragmentum hoc initio: *Ad preces Stu- dencium dum essem lector in monte pessulano et ut fratres pauperes sub compendio sententias haberent librorum Sententiarum Ego fra- ter Johannes de fonte Ordinis mi- norum fratrum per modum conclu- sionum Sententialiter distinctionem quamlibet eiusdem voluminis recol- legi.* Ut jam supra. Verum post 3. columnas Librarius retraxit manum de tabula. Notat Opus istud *Wad- dingus* in *Bibl. Ord.* nil vero de Autore, nisi *Gallum* fuisse.

V. fol. 172. finem faciunt Quae- stiones lectae e *Quodlibetis Hen- rici Bonicollii* (Goethals) dicti de *Gandavo*, qui *Parisis* nomen Do-CTORIS Solemnis emeruit, et anno 1293. *Tornaci* decepsit. Ordo nullus servatus est; incipiunt enim a *Quaest. 13. VI. Quodl. Vtrum status virginalis sit supra coniuga- lem*, et mox sequitur *Quaestio 29. Quodl. XII.* Impressa sunt, teste *Foppenio* in *Bibl. Belg.* *Quodlibeta Henrici Venet.* 1518. et

1613. f. sed et alia ab eodem Mss. memorantur, quae, an ab Impressis distincta sint, nescio.

DXLIII.

Codex chartaceus lat. Sec. XV. U. 313 Folior. 237. 4. commode per- scriptus et rubricis distinctus Do-CTORIS cuiusdam *Vindob. Lecturam in Librum III. Sententiarum Pe- tri Lombardi* exhibet, in qua mihi videor *Thomae Haselbachii* manum agnoscerere. Prolusionis in- gressus est: *In aeu presenti tria per ordinem restant facienda. Tria haec sunt: Collationem quandam et praesertim 3^o Sententiarum Libri praemittere, Quaestionem quandam defendere, et singulis actum praesentem visentibus gra- tias referre. Quo ad primum resu- mo thema in prioribus meis princi- piis assumptum. Pater sanctificavit et misit in mundum. Job. 10. Ex hoc Themate cognosci posset Au- tor, si subpeterent plures Codices id praferentes. Quaestio, quam defendendam proponit, est: Vtrum pater in diuinis suum in mundum mittendo filium ipsum decorauerit caritate infinita et omni- scientie largitione, eamque con- fert cum M. Job. Himmel noto Theologo nostro et F. Henrico de Colonia O. P. qui inter annos 1424—46. septies Decanatu Fa- cult. Theol. functus est. Lecturam denique suam a Dist. VIII. ordi- tur.*

Codex utrinque vestitur Mem- brana continent Literas Antonii Praepositi ecclesie omnium sanctorum

rum

Wien, Österreichische Nationalbibliothek (ÖNB), Cod. 4590

1241

D O G M A T I C I .

1242

rum alias Sancti Stephani Wyenne tanquam Executoris unici Brevis dati a Bonifacio IX. Chunrado Amman de Chaufurn baccalario in decretis ad consequendum Beneficium si cum cura viginti quinque, si uero sine cura fuerit, decem et octo marcharum argenti. Literae hae diriguntur ad Episcopum Patauiensem, qui non nominatur; erat vero Georgius I. Habenlobicus, et ad Capitulum. Notae chronologicae abscissae sunt, sed Breve Bonifacii insertum datum est anno Pontificatus primo, id est, 1390. Cum igitur Antonius in munere Praepositi non nisi a. 1391. confirmatus fuerit, Literae ipsae ad hunc, vel sequentem annum erunt referenda. Vide de eo Specimen Hist. Canceliarior. Univ. Vien. p. 44.

DXLIV.

U. III. Codex chartaceus lat. Sec. XV. Folior. 219. 4. currente calamo perscriptus continet: I. Lecturam in Librum III. Sententiarum Petri Lombardi hoc initio: Circa primam distinctionem 3^{ij} queritur primo *Vtrum dei filius in temporis plenitudine assumperit humanitatem in suppositi unitatem &c.*

II. fol. 178. p. 2. Executitur Quaestio: *Utrum super aliquo decalogi precepto possit fieri dispensatio. R. sic. super obseruacione sabbati de facto dispensatum est &c.*

III. fol. 185. Incipiunt contradictiones sancti Thome. In articulis subscriptis contradixit sibi fra-

ter thomas tam in summa quam in scriptis (in Libros Sententiar.) unde frequenter videtur dicere contraria. Referuntur dein Articuli. Memini obiter, simile quid me olim impressum vidisse titulo Contrarietatum, ni fallor, S. Thome.

IV. fol. 188. Articuli in quibus magister (Sententiar. Petr. Lombardus) non tenetur. Etiam hi feruntur olim editi, addito subinde, non teneri a Magistris Parisiensibus.

V. a fol. 189. ad finem Subplementa ad Lecturam supra indicatam, et alia Notata theologica, unde Codicem Professoris cuiusdam Vien. fuisse liquet. Non tamen convincit manus moderna, quae Thecae anticae inscripsit: *Varia Notata D. Hafelpachij*, nullo argumento adlato.

DXLV.

U. 469 Codex chartaceus lat. Sec. XV. Folior. 398. f. lineis longis luceiente exaratus et rubricis distinctus continet I. Quaestiones fuse tractatas in Librum III. Sententiarum Petri Lombardi, quarum prima: *Vtrum solius verbi persona sit humane nature personalis subsistens? et postrema: Vtrum lex christi evangelica et diuina a lege eterna determinata sit eminenter continens omnem aliam legem ut perfecte vite regula mencium in deum directua? ad cujus calcem legitur: Et sic est finis tertij libri sententiarum Deo gratias Anno &c. (14) XXIII°.*

II.